

八瓊室金石補正

第十五冊

八瓊室金石補正

卷一

八瓊室金石補正卷二十八

太倉陸增祥撰

男 繼輝校錄

吳興劉承幹覆校

隋五

龍門成都募人造象記

高四寸五分廣五寸五分九行
行七字字徑四分正書在洛陽

蜀郡成都縣募人

□□□□子贊□□興□□□□□

□母兄弟曰□□早還相見造觀音像一軀□及六道

眾生同沾斯福
大業十二年四月廿五日

劉氏龍門造象錄列隋刻三種余所得者僅此耳

孫氏訪碑錄作李子贊造像劉氏同審之子上一字已泐頗似弟字姑從其闕其作十一年則非也劉氏所錄一爲開皇十五年裴慈明造象孫氏作裴悲明一爲大業十二年興泰縣梁伯仁造像孫氏作十三年作泰興未知孰是附識之

左禦衛長史宋永貴墓誌

方一尺七寸九分三十四行行三十四字字徑五分正書方界格在長安

隋故左禦衛府長史通議大夫宋君墓誌銘

君諱永貴字道生西河郡人也處以敬敷五教錫茅土而封商湯以來積八遷從先王而居亳洪源括地與懸

米爭深高峯極天共雲邱比峻時稱冠挨世挺民英楚
客多才周賓在位昌則叅謀代邳夜拜九卿弘迺變輔
中興職登三事箕裘必繼堂構莫尉舄弈連華衣纓累
醴曾祖丞葉干郡守恒州刺史祖業河州刺史塞帷作
牧兮竹出守布政有感則穰麥興哥遺愛在民則甘棠
勿翦父暉使持節車騎大將軍儀同三司鄉伯大夫萬
年縣開國子持節假奉使之威將軍實爪牙是任苴茅
土而開國均儀服於台堦光覆五宗貴延百世君擢幹
芳苑耀質驪洲稟庭訓而知言奉家聲而立德風神閑
雅播自齒年書劒明詒聞諸學歲既而振纓來仕解褐

登朝以周天和四年出身授弼弼將軍強弩司馬大象元季任右宮伯右侍散二命士二季遷大駟都下士力堪引強威能弼弼雖非右職允此嘉名所奉二君應四選既仕不擇時官未爲達曠大才於高位沉英俊於下僚周德之衰所由來矣及

皇基肇創神武膺期則括自天官人有叙開皇六年引授殿內將軍九年 詔授蒲坂縣開國子其年加授儀同三司出爲蕃禾鎮將殿內則出入卧內儀同則具擬台司將軍朝廷之虎臣鎮將京畿之虎落出撫則旂旄疊映入侍乃環珮交暉十四年蒙授移州長史十七季

詔授觀州司馬大業三年改授慶州司馬累遷朝請
大夫漢川贊治贊邦佐治自郡遷州慈惠以撫細民溫
恭而待國士示賒以儉糾猛以寬煦之以春陽威之以
秋霜潤洽傍隣時稱善政五年入爲左御衛長史三軍
務重六衛爲取摠管營校兼臨卒伍教戰勿失閱武以
時八年 天子親臨遼隧問罪燕郊分命方艸長

駟被練四綱周設一縠而摧以勲進授通議大夫長史
如故十季從 駕北巡言經朔野不幸搆疾終於棲煩
郡春秋五十有四君少而沉慙長而宏深英猛冠時清
華映世堤封峻而不測墻宇高而莫窺自國自家至誠

至孝可畏可愛爲政爲德清白以遺子弟澹雅以交友
芻入其室者鬱若芝蘭之芳與其遊者自染未藍之色
歷官兩代從宦十選在軍在國之容允武允文之藝出
臨九縣九則民吏扇其風入佐六軍則貔虎資其略何
常不竭誠盡義虔奉恩章謹躡勞謙以全名節九德備
舉百行無虧可謂令問令望有始有卒者矣以大業十
二年歲次丙子十一月癸丑朔廿一日癸酉歸塋於京
兆郡長安縣龍首鄉之山柏庭遐阻蒿里幽深九原無
可作之期千季絕見日之義人間易遠身世難追歲月
不居山河莫顧世□臣節酷此茹荼崩心泣血風樹之

感萬古踰深霜露之悲百身弥切庶傳盛德敬勒泉隅
文曰

天降元鳥神呈白狼佐禹惟鹵華夏伊商
極天峻峙控地靈長或升或降且公且王有客有客俾
建其侯祚土于宋作賓于周禮樂尙在英靈可求郢都
賞賦代國申謀爰泉迺祖褰帷出撫弭世載德重規疊
矩顯孝標秀揚庭接武服衮儀司苴茅開宇惟君薦生
惟民之英松栢在性金石有聲允諧文武藉甚公卿表
光內潤入孝出誠妙季筮仕飛纓即政爲臣擇君去危
歸聖飾像三台官成四命行標世範德流民詠昊天不
愁折桂銷芳泉幽隧古風悲樹涼寒來暑謝地久天長

遺德不朽斯文永章

右宋永貴墓誌據補訪碑錄謂在長安永貴及其曾祖祖父史皆無傳曾祖丞棗干郡守祖業河州刺史父暉鄉伯大夫棗干郡厯代所無即桑乾也隋書地理志善陽注云又有後魏桑乾郡丞蓋仕於魏者棗罕郡舊置河州大業初置郡業刺河州亦在魏時永貴厯官初授殄寇將軍强弩司馬擢右宮伯右侍散二命士遷大駟都下士入隋授殿內將軍蒲坂縣開國子加儀同三司出爲蕃禾鎮將厯穰州長史觀慶二州司馬累遷朝請大夫入

爲左禦衛長史進通議大夫從駕北巡卒於樓煩
郡蒲坂蕃禾婺觀慶等州皆隋書地理志所無按
蒲坂即隋之河東舊曰蒲坂縣置河東郡開皇初
郡廢十六年析置河東縣大業初置河東郡併蒲
坂入焉永貴於開皇九年封蒲坂子時未併省且
未析置河東縣故有蒲坂也蕃禾即番和後魏置
番和郡後周郡廢置鎮開皇中爲縣永貴爲鎮將
時未改縣也番和亦作番禾見晉書禾者和也故
禾和可通番蕃亦古通左氏傳襄四年注曾國番
縣東南釋文云番本作蕃禮明堂位黃馬蕃鬣釋

文云蕃本作番書洪範庶草蕃蕪古文尙書作番
漢無極山碑番茂隆□白石神君碑永永番昌皆
即蕃字婺州即隋之東陽郡平陳置婺州大業初
置東陽郡永貴爲長史在九年平陳之後大業改
郡之前故稱婺州也觀州即隋之東光開皇九年
置觀州大業初州廢永貴爲司馬在十七年置州
已歷八載尙在大業廢州之前故稱觀州也慶州
即隋之宏化郡開皇十六年置慶州大業初置郡
永貴爲司馬在大業三年知改郡在三年以後故
尙稱慶州也樓煩郡大業四年置鄉伯大夫殄寇

將軍強弩司馬右宮伯右侍散二命士大駟都下
士皆周官吏不備詳得此志可略知北周官名之
遺也攷後周左右宮伯爲軍衛之官左右衛大將
軍之屬右侍散無聞焉內命上士三命中士再命
下士一命外命子男之孤卿侯伯之大夫公之上
士二命此所云二命士者疑是中士內命也殄寇
將軍強弩司馬正二命餘無攷證駢字未詳左禦
衛大業初置煬帝即位改領軍爲左右屯衛加置
左右禦文云八年天子親臨遼隧十年從駕北巡
按帝紀八年正月分左右各十二軍大征高麗二

月車駕度遼大戰于東岸擊賊破之進圍遼東志
所稱一穀而摧者當即東岸之捷也十年三月行
幸涿郡次臨渝宮親御戎服禡祭豐鼓四月次北
平七月次懷遠鎮高麗遣使請降志所稱言經朔
野者此也書體多用古字契作𠂔歌作哥旌作旌
敏作𠂔窺作窺皆是累本作𠂔此作𠂔網本作網
此作網亦不悖於古奢作賒古通後漢書王充王
符仲長統論注云賒奢同𠂔作𠂔字同見正字通
廣韻𠂔廉謹貌此云謹𠂔勞謙正其義一穀而摧
穀即穀之異文見說文日光赤也一穀猶言一旦

也其義甚古惟慙作慙爲俗耳至擇作擇樓作樓
宦作宦間作間之類皆寫刊之訛又朱藍之朱誤
作未九則民吏扇其風多一九字

龍華碑

高存四尺四寸廣二尺四寸廿七行行存五十字字
徑七分又題名小字一行正書方界格篆額題奉爲
高祖文皇帝敬造
龍華碑十二字

盖以軋元資始樹元像於穹隆坤德肇初列品物於磅
礪至於性靈殊異致趣不同憑所託以立心攬所依而
建性是以鱗潛翼□_闕談意欲濟於蒼生終不成於大
造言之者衆可不然歟豈若堦号大千尙云炎火之宅

法稱不二自成眞諦之門濟黔首於塵籠拔

關

拾芥似

澄水之留月影若明鏡之寫人形是曰無常之津成爲

去留之境三灾之火災歸疑之天宮四大之風飄崔嵬

之魔舍北臺

關

澗成岑燕童於是長嗟宣尼所以興歎

至若鹿野高談窮方等之淵府鷲山曠說無波若之深

源飛樓涌塔之奇納海藏山之異法

關

變色鳥獸迴音

望八斛之分身紛興殿閣則四衢之寶塔鬱起臺堂剎

土成緣法基常住若夫剝終龍戰俱馳逐鹿之心道寧

麟傷

關

鼎落月樞星豈能敷聖教於華間布至公於夷

外者也自元祿有歸將移周紀時唯多難政乃私門氣

混陰陽光勵日月經道埃儒

闕

天啓聖膺旨籙於千年

下庶獲安仰散風於萬古降茲明命用集我大隋

高祖文皇帝捐讓受終理形統象下協兆民之欲傍謹
萬國之情位重青蒲尊居紫極雖復機有萬事偏注三
乘璧開停修伽藍是

闕

者歟

皇帝軋象降轂坤極旌神偃武修文乃停甘□之誓干
戈載戢自息岐陽之蒐望祇昇柴展先古之盛禮泥金
尊玉尋絕代之遺蹤

闕

華塔者地則故龍華道場之墟

其內先有古基未及功就屬天迴地轉柱折維傾各棄
真門俱憑戎旅變廻法殿化起俗堂常住之

闕

其人也